

劉隨州詩

劉隨州詩卷之四

于湖後學韋祗謨嚴有編次

五言排律

題大理黃主簿湖上高齋

閉門湖水畔自與白鷗親
竟日窓中岫終年林下人
俗輕儒服敝家厭法官
貧多雨茅簷夜空洲草徑
春桃源君莫愛且作漢朝臣

送鄭說之歙州謁薛侍郎

漂泊來千里謳謠滿百城
漢家尊太守魯國重諸

生俗變人難理江傳水至清船經危石住路入亂
山行老得滄洲趣春傷白首情嘗聞馬南郡門下
有康成

題獨孤使君湖上林亭

出樹倚朱闌吹鐃引上官老農持鋤拜時稼捲簾
看水對登龍淨山當建阜寒夕陽湖草動秋色渚
田寬渤海人無事荊州客獨安謝公何足比來往
古人難

酬李使君見贈

滿鏡悲華髮空山寄此身白雲家自有黃卷業長
貧懶任垂竿老狂因釀黍春桃花迷聖代桂樹狎
幽人幢蓋方臨郡柴荆忝作隣但愁千騎至石路
却生塵

送嚴維赴河南克嚴中丞幕府

久別耶溪客來乘使者軒用才榮入幕扶病喜同
樽山屐畱何處江帆去獨翻暮情辭鏡水秋夢識
雲門蓮府開花萼桃園寄子孫何當舉嚴助徧沐
漢朝恩

酬包諫議見寄之作

佐郡愧頑疎，殊方親里閭。
家貧寒未度，身老歲將除。
過雪山僧至，依陽埜客舒。
藥陳隨遠宦，梅發對幽居。
落日棲鶚鳥，行人遺鯉魚。
高文不可和，空愧家相如。

棲霞寺東峰尋南齊明徵君故居

山人今不見，山鳥自相從。
長嘯辭明主，終身臥此峰。
泉通石徑澗，戶掩塵容古。
墓作寒草前，朝寄老松片。
雲生斷壁萬，壑遍疎鐘惆。
悵空歸去，猶疑

林下逢

奉和趙給事使君畱贈李婺州舍人兼謝舍
人別駕之作

便道訪情親東方千騎塵禁深分直夜地遠獨行
春絳闕辭明主滄洲識近臣雲山隨候吏雞犬逐
歸人庭顧婆娑老邦傳蔽芾新玄暉翻佐理聞到
郡齋頻

行營酬呂侍御時尙書問罪襄陽軍次漢東
境上侍御以州隣寇賊復有水火迫於征

稅詩以見諭

不敢淮南臥來趨漢將營受辭瞻左鉞扶疾拜前
旌井稅鶉衣樂壺漿鶴髮迎水歸餘斷岸烽至掩
孤城晚日歸千騎秋風合五兵孔璋才素健早晚
檄書成

登遷仁樓訓壻李穆

臨風敞麗譙落日聽吹鐃歸落空回首新章已在
腰非才受官謗無政作人謠儉歲安三戶餘年寄
六條春蕪先楚國古樹過隋朝賴有東床客池塘

免寂寥

長沙早春雪後臨湘水呈同遊諸子

汀洲暖漸淥煙景澹相和
舉目方如此歸心豈柰
何日華浮野雪春色染湘波
北渚生芳草東風變
舊柯江山古思遠猿鳥暮情多
君問漁人意滄浪
自有歌

自道林寺西入石路至麓山寺過法崇禪師
故居

山僧候谷口石路拂莓苔
深入泉源去遙從樹杪

回香隨青靄散鐘過白雲來
埜雪空齋掩山風古
殿開桂寒知自發松老問誰栽
惆悵湘江水何人
更渡杯

和袁郎中破賊後軍行過剡中山水謹上太

尉

卽李光弼

剡路除荆棘王師罷鼓鼙
農歸滄海畔圍解赤城
西赦罪春陽發收兵太白低
遠峰來馬首橫遂入
猿啼蘭渚催新幄桃源識故蹊
已聞開閣待誰許
臥東溪

送鄭十二歸廬山

潯陽數畝宅歸臥掩柴關
谷口何人在門前秋草
閑忘機賣藥罷不語杖藜還
舊筇成寒竹空齋向
暮山水流過舍下雲去到人間
桂樹花應發因行
寄一攀

至饒州尋陶十七不在寄贈

謫宦投東道逢君已北轅
孤蓬向何處五柳不開
門去國空迴首懷賢欲訴冤
梅枝看嶺嶠竹路過
湘源月下高秋鴈天南獨夜猿
離心與流水萬里

共朝昏

陪鄭中丞林園飲

心遠親魚鳥功成厭鼓輦林中阮家醉池上謝公
題門徑蒼苔合窻陰綠篠低夕陽山向背秋草水
東西舊架懸藤老疎籬插槿齊風煙不可到誰羨
武陵谿

同諸公袁郎中宴筵喜加章服

手詔來筵上腰金向粉闈勲名傳舊閣蹈舞看新
衣白社同遊在滄洲此會稀寒笳發後殿秋草送

西歸世難常摧敵時閑已息機魯連功可讓千載
一相揮

毗陵送鄒結先赴河南克判官

王事相逢少雲山柰別何芳年臨水怨瓜步上湖
過客路方經楚鄉心共渡河凋殘春草在離亂故
城多罷戰逢時泰輕徭佇俗和東西此分手惆悵
恨煙波

送徐大夫赴廣州

上將壇塲拜南荒羽檄招遠人來百越元老事三

朝露繞龍山暗山連象郡遙路分江淼淼軍動馬
蕭蕭畫角知秋氣樓船逐暮潮當令輸貢賦不使
外夷驕

九日蔡國公主樓

主第人何在重陽客暫尋水餘龍鏡色雲罷鳳簫
音暗牖藏昏曉蒼苔換古今晴山卷幔出秋草閉
門深籬菊仍新吐庭槐尙舊陰年年畫梁燕來去
豈無心

送荀八過山陰舊縣兼寄剡中諸官

訪舊山陰縣扁舟到海涯故林嗟滿歲春草憶佳
期晚景千峰亂晴江一鳥遲桂香畱客處楓暗泊
舟時舊石曹娥篆空山夏禹祠剡溪多隱吏君去
道相思

奉餞元侍郎加豫章採訪兼賜章服

時初州
亦初停

節
度

任重兼烏府時平偃豹韜澄清湘水變分別楚山
高花對彤襜發霜和白雪操黃金裝舊馬青草換
新袍嶺暗猿啼月江寒鷺映濤豫章生宇下無使

翳蓬蒿

奉饒郎中四兄罷餘杭太守承恩加侍御史
克行軍司馬赴汝南行營

星使三江上天波萬里通權分金節重恩借鐵冠
雄梅吹前軍發棠陰舊府空殘春錦障外初日羽
旗東岸柳遮浮鷁江花隔避驄離心在何處芳草
滿吳宮

題靈祐上人法華院木蘭花

其樹嶺南移植此地

庭種南中樹年華幾度新已依初地長獨發舊園

春映日成華蓋播風散錦茵色空榮落處香醉往
來人齒舊千燈遍芳菲一雨均高柯倘爲檝渡海
有良因

送嚴維宅送包佶

江湖同避地分首自依依盡室今爲客驚秋空念
歸歲儲無別墅寒服羨隣機草色村橋晚蟬聲江
樹稀夜深宜共醉時難忍相違何事隨陽雁汀洲
忽背飛

送從弟貶袁州

何事成遷客思歸不見鄉遊吳經萬里弔屈向三
湘水與荆巫接山通鄢郢長名差黃綬繫身是白
眉郎獨結南枝恨應思北雁行憂來沾楚酒老鬢
莫凝霜

無錫東郭送友人遊越

客路風霜曉郊原春興餘平蕪不可望遊子去何
如煙水乘湖濶雲山逼越初舊都懷作賦古穴覓
藏書碑缺曹娥宅林荒逸少居江湖無限意非獨
爲樵漁